

中觀見之甚深引導•玄妙極驗引導 偈頌 科判

全知麥彭仁波切 造頌 益西彭措堪布 丹增扎拉堪布 藏译汉

释道净 擬科（僅供參考） 整理 20240709 3 稿 微信 qq 973451196 禁止商用篡改 法律責任必究

科判			偈頌	
甲一、標題			中觀見之甚深引導	中觀見之玄妙極驗引導
甲二、頂禮句			南無曼札西日耶（頂禮文殊師利）！	那摩曼孜熙日耶（頂禮文殊師利）！
甲三、人我法我無自性分二	乙一、人我依蘊聚遍計非實有自性		修持淨心之行已，則於無有人我相，引生殊勝定解時，所云之我依蘊聚，不察分別假立般。	斷除四種倒見後，於人無我之見解，引生無謬定解時，了知我乃依蘊聚，唯是心識之所造。
	乙二、法我性空緣起而妄現		五蘊以及無為法，一切諸法皆如是，分別假立謂此彼。雖然執取種種法，若察不得毫許義，無分體之究竟上，細之極微亦不成，同時緣起力顯現，有事依緣而生起，無事依此而假立，未察妄執事無事。	如是五蘊有為法，以及無為之法等，皆心增益成彼此。於種種法雖執取，但覓所造不可得，若是觀察至無分，極微彼亦不成立，皆因緣起而顯現，有相觀待因緣生，無相增益依有相，無論有相與無相，僅是未察執而已。
甲四、自空中觀引導分二	乙一、暫時分二	丙一、暫時相似勝義諦	勝義理論觀察時，本來無基亦離根，同時空現如夢幻，水月谷響尋香城，影像以及陽焰等，正空而現現而空，現空如幻理中修，此即相似之勝義。	如若仔細作觀察，本來無基亦離根，無而顯現如幻夢，水月谷響尋香城，光影以及陽焰等，空而現兮現亦空，現空幻化應觀修，此為暫時勝義諦。
		丙二、出定位未超越分別念	分別心具此定解，雖出定位所現見，如幻化之無垢慧，未離一切所緣境，若未寂滅能執相，即未超離分別故，離戲法性未現見。	無有垢染之智慧，了知出定幻化相，雖具如是定解心，然卻未曾離所境，能取心識亦未泯，未逾分別念之故，離戲法性尚未證。
	乙二、究竟分三	丙一、資糧道觀察能所無得獲無執定解	若生如是定解時，就幻化境亦即為，分別假立不執著，所取之體不成立，能執之心亦不得，故無執中松閒住。	如是定解生起時，僅是緣取幻化相，雖為分別念假立，然而所取體不存，能取尋亦無得故，本相無執坦然住，
		丙二、加行道安住定解而修不減顯現	如是住時雖不滅，內外諸法之顯現，於此無執本性中，所有假立之諸法，本來不生亦不滅，遠離能取與所取，法界之中平等性，遠離有無等承認，離言義之自性中，無有疑惑之覺受。	如是安住之當下，內外顯現雖未滅，然住無執本相中，假名安立一切法，從本初即無生滅，遠離二取平等性，此中一切皆平等，不存有無等承許。離詮自然狀態中，無感覺受定生起。
		丙三、見道各別自證入定智慧	此乃諸法之法性，真實勝義非相似，各別自證智所證，無念入定之智慧。	此即萬法之本性，亦名究竟勝義諦，亦為各別自證境，無念入定之智慧。
	甲五、大中觀引導分二	乙一、明空雙運	若於此中修持時，空與緣起雙運者，二諦無別實相義，即大中觀之瑜伽。	倘若此中能嫻熟，空性緣起融一味，二諦無別實相義，即大中觀之瑜伽。
乙二、入密竅訣		此義超離心所境，倘若欲依無二智，速能如是證悟者，應修密乘之竅訣。	遠離心境無二慧，若欲疾速而獲得，現前證悟此密義，當修密乘之竅訣。	
甲六、總說中觀修行次第			此乃中觀修次第，究竟甚深之精要，先修淨心之行已，次第抉擇而覺受，依現空幻定解道，無破無立之意義，般若波羅蜜多界，平等性中自解脫。	此為中觀修次第，究竟甚深之關要，四顛倒見先斷除，後以覺受來抉擇，現空幻相定解中，無有所斷所留義，般若波羅密多界，平等性中得解脫。
甲七、勸勉分二	乙一、实证方能除苦		若因乾渴所受苦，僅知有水不解渴，親臨水處並飲水，方能解除渴苦般，經雲知與受亦然。	乾渴苦者於何處，僅聞有水渴難消，若飲乾渴立遣除，了知覺受如經說，
	乙二、依次第修速得深法忍		是故僅依眾理論，勤苦伺察等作意，不必如此輪翻修，唯依覺受次第修，速能獲得深法忍。	故自無需以眾多，邏輯苦苦而求索，如若漸次作禪修，甚深法忍速證得。
甲八、祈願眾證深義			文殊歡喜金剛者，於水龍年十一月，二十九日直撰著，願眾證深中觀義。	文殊喜笑之金剛，水龍背宿月廿九，一氣呵成願眾生，證悟甚深中觀義。
			茫嘎拉（吉祥圓滿）！ （益西彭措堪布《入中論日光疏》）	芒嘎朗（願吉祥）！ 堪布丹增扎拉譯於遼寧本溪